

真

州

府

志

卷八



道光二十一年歲在戊申
 閏閏下月閏閏日
 閏閏閏閏閏閏閏閏
 閏閏閏閏閏閏閏閏

贛州府志卷首

總目

序 舊序

凡例 舊例

輿地志

繪圖

疆域 沿革表附

城池

山水 陂塘橋渡附

官廨



卷之一

卷之二

卷之三

卷之四至卷之七

卷之八至卷之十

祠廟

卷十一至十五

寺觀

塔附

卷十六

名蹟

卷十七十八

塋墓

義塚附

卷十九

風俗

卷二十

物產

卷二十一

辨異

卷二十二

經政志

學校

卷二十三至二十五

書院

鄉塾附

卷二十六

田賦

科則漕糧起運屯田雜稅戶口附

卷二十七

權稅

卷二十八

鹽課

卷二十九

驛傳

卷三十

兵制

卷三十一

武事

卷三十二

雜建置

卷三十三

官師志

卷三十四

統轄權使表

卷三十四

府秩官表

卷三十四

縣秩官表

卷三十五三十六

府教授訓導表

卷三十七

縣教諭訓導表

卷三十八三十九

武秩官表

卷四十

統轄名宦傳

卷四十一

府名宦傳

卷四十二

縣名宦傳

卷四十三

寧瑞石三縣名宦傳

卷四十四

武名宦傳

卷四十五

選舉志

薦辟

文

進士舉人表

卷四十六

貢生表

卷四十七

錄賜表

卷四十八

仕籍表

卷四十九

封廕表

卷五十

人物志

仕績

卷五十一

武勳

卷五十二

忠義

卷五十三

孝友

卷五十四

儒林

卷五十四

文苑

卷五十五

善行

卷五十六

隱逸

卷五十七

藝術

卷五十八

寓賢

卷五十九

僊釋

卷六十

列女

卷六十一 六十二

藝文志

書目

卷六十三

志目

卷六十四

梁文

卷六十五

唐文

卷六十五

宋文

卷六十五

元文

卷六十五

明文

卷六十六至六十九

國朝文

卷七十至七十三

歷朝詩

詞附

卷七十四七十五

國朝詩

詞附

卷七十六七十七

外志

天子命分巡吉南贛寧道
冬十月上事深憇隕越負
疾前賢而祭風謠相土
宜凡有裨於化理者足
以考鏡得失者未嘗一
日忘諸懷府志多修於
郡守自余來嶺北守虔
者俱未久任皆不暇纂
輯顧失此不修恐日就
湮沒矧文正之導以先
路乎獨是修志於今日
則先有難焉者謝志成

於天啓辛酉文正之重
刻相距纔四十年今自
乾隆戊戌贛守竇忻重
纂以來已閱七十年矣
故老衰謝末由諮訪都
人士又少著書傳往事
者其難一謝志尚質實
而去浮華文正所稱謹
嚴詳核者誠足徵信若
竇志義例不精且多
舛誤甚或星圖易位至
以越為越以越為越以

鄭為韓以韓為鄭今
援據增修復事訂正
其雜二鳳渚以郡人為
郡志就見聞所及筆
之於書視宦游斯土者
事不勞而易舉今無
鳳渚其人而廳縣志又非
缺即濫未足盡信其雜
三並使曰其雜而護置
之則此事又不知屬之
何人俟之何日也遂不揣
弁陋積數年之採輯至

丁未夏甫集事值長寧
會匪案親往搜捕道所
屬名邑浚流覽諮詢於
風土得其剛柔之性也
於物產得所陰陽燠溼
之理也於人民得其淳
樸黠嗜好習尚之同
也於水得源流而并識
其湍緩夸險之勢也於
山得形勝既壯其峭崿
而又病乎頑厲幽復為
狼虺瘴毒之所叢也於

城鄣營堡得要害控
扼之方及今者沿革之
不同則又穆然於古忠
臣義傑崎嶇戰守之
蹟而慨想其勛名氣節
之所在至於今亦所也凡
蹤跡所歷輒志其略以備
考訂尋又擷臬事功未
半而中輟明年方以次
續葺旋膺皖江臬使之
命不獲竣剞劂者久正
刻而未修其所刻者固

可得而證也幸仁修而未
刻將所修者終不可得
而見也因携至南昌梓
成之夫文正往矣其學
術政教之所留愧不能
希蹤於萬一而是書之
修庶幾即文正之所欲
為者為之安得起前賢
而質證之也

道光二十有八年歲次戊

申冬月

賜進士出身

欽命分巡吉南贛寧道陞
任安徽按察使錢唐李
本仁序



贛州府志卷首

纂輯姓氏

鑒定

分巡吉南贛寧道陞任安徽按察使司按察使李本仁

總纂

浙江錢唐縣學增廣生員陳觀西

分纂

浙江嘉善縣進士前泰和縣知縣郁鼎鐘

浙江海鹽縣舉人黃憲清

監理

章少府記
穎縣教諭陞任廣信府教授程景暉
浙江錢唐縣議敘從九品姚厚

繪圖

穎縣學生員謝本萬

參訂

興國縣舉人胡麟

會昌縣恩貢生周尙文

穎縣廩膳生員謝騰漢

興國縣舉人藍拔奇

參校

雲都縣歲貢生譚欣

定南廳舉人前直隸肅寧縣知縣黃正璠

長寧縣歲貢生曾撰

興國縣歲貢生劉世技

定南廳拔貢生黃咸泰

興國縣歲貢生郭正炳

穎縣學生員林翰華

穎縣廩膳生員陳觀光

籍錄

四川長壽縣學生員周錫保

四 川 長 壽 縣 監 生 戴 思 慎

浙 江 錢 唐 縣 監 生 倪 通

安 遠 縣 舉 人 魏 鏗

舊序

贛州府志正德丙子前守當塗邢公始聘刑部郎中長江
 李公堅修之屬草已完而邢公以擢官去金陵羅公屬其
 門人上舍生歐陽誠者潤色之安陸張公復手加校正序
 其首簡將付梓矣屬以更任弗果嘉靖戊子芳偶承乏今
 御史大夫容東汪公時以中丞節出鎮茲土復哀其稿裁
 決於廷尉董公乃為重複考訂並增入逸事前本之所未
 載者書成而容東公被召歸朝矣至是踰年始以入刻刻
 既成芳復僭序其刻之之意序曰古者史官分左右左以
 記言右以記事左右史備而言與事無遺矣自王朝以達

列國同之三代之制無或改也秦兼天下始廢國爲郡縣
史亦隨之而王朝之史猶沿夫舊耳司馬子長史記倣古
記言之體作入書至班孟堅易書爲志而後漢魏晉隋唐
諸書多宗之然則今郡縣之志特古國史之一體耳其所
記亦畧矣古今郡國地之廣狹事之繁簡迥乎不同而記
載之書詳畧反異至或缺焉遠無以鑒古近無以驗今不
亦可慨也哉顧爲郡當閩粵湖江四省之交視他郡爲重
邇年來鎮以都臺節以兵憲視昔時爲加重况在有宋濂
溪元公嘗通守焉維時明道純公伊川正公侍其父大中
公令於興國因學於濂溪所謂吟風弄月以歸者實在茲

上二賢講道之地庶幾與鄉魯並不尤重也哉願惟久缺
文不足徵豈不重可慨耶乃今歷十餘年更六七守方克
成書吁亦艱矣自今吏於茲郡與繼今而吏者千里之廣
百世之遠一覽在自由是而施於有政可以議興革昭勸
懲酌損益焉豈徒備典章美觀視而已乎此志之所以刻
也書凡若干卷總若干萬言嘉靖九年庚寅贛州府知府
王世芳

郡之有志猶國之有史也史家記載有凡例褒貶有定法
足以傳信垂戒乃謂之良史郡志亦然山川封域之界貢
賦之常官府之設因革沿革在所必錄毋庸粉飾增損其

間例也若乃風俗之美惡與化移易人才之生視其自樹地靈不得專主吏茲土者政績不能皆同人品亦不能無高下於此不審而漫浪書之或過於稱揚或曲爲隱蔽其於史法皆未盡也周官誦訓之設掌道方志以詔觀事巡狩則夾王車以行於政教大有裨益歷世久遠莫考其詳今天子每歲必親命憲臣巡按一方察民隱而糾吏弊歸則以聞殆其遺法激揚之責固所自盡而典籍之徵亦豈分外事哉侍御容峯陳公珏有見於此乃謀諸都憲玉泉王公浚以頴志屬予修葺衰病薄劣何能爲役重違其意乃與陳教授英李舉人國紀參互考訂收其散逸刪其繁蕪以就簡約備采覽然於直筆不能無慙也公是非正舛錯尚有俟於後之君子志成憲副侯公緘郡守康公河速予爲序謹綴數語以引其端嘉靖十五年丙申郡人董天

錫

郡志修於嘉靖之丙申距今八十六年程矣已事闕如失今不續後將何考萬歷間郡大夫有議及此者曾兩開局未覩厥成丙辰之歲蘭陽李公以司權別駕攝郡篆重有意焉而謬屬予以筆札之役予謝不敏而公意彌篤會長洲金公來爲守謀與公合則再四趣之予乃鍵關窮晷取各邑新舊牘稍爲編次旣成帙惴惴不稱度之案頭者久

之已而兩公俱已遷秩行事亦旋寢司農伍公後至嘗受
李公託數過山房索予志稿甚亟予遂巡出而請正公即
攜去今春督漕綱赴省會遂命書掾繕寫成部歸而進之
堂長余公余公不鄙輒付梓人既爲區處厥費而一切鳩
匠供餼更以煩司儲朱公凡越四月殺青斯竟予也自慙
駢淺之識益以衰髦之年聽技易窮豹窺實短匡其不逮
尚冀望於後之嗣修者天啟元年辛酉郡人謝詔

予以己亥參藩嶺北下車之始郡守以職事相見卽以志
書爲問蓋以爲政必先察其風謠相其土宜經理其山川
考正其貢賦然後因地成化隨俗致理至要也而郡守對
以兵火之後版籍灰燼無復存者予悵然久之閱數日司
李周子計百購得舊本見示予受而讀之義例謹嚴事辭
詳核猶稱善志惜止於明熹宗朝莊烈以來闕然未載乃
下檄所部網羅佚事搜輯藝文將徵聘耆儒開局纂修適
予以病請告未暇竣事念無副本恐久而散失於是謀之
計百蠲俸付梓以永其傳至於廣採旁羅以成全書則俟
之後人焉謹按贛之爲郡處江右上游地大山深疆隅繡
錯握閩楚之樞紐扼百粵之咽喉漢唐以前率以荒服視
之至宋濂溪先生通判州事其時趙清獻公爲守而程大
中先生令興國大中識濂溪於南安明道伊川受學焉伊

洛文獻之傳淵源實肇於此文信國守郡建大義興勤王之師故至今豫章理學節義爲海內師表而贛郡尤著然山僻俗悍界四省之交是以姦宄不測之徒時時乘間竊發疊嶂連嶺處地既高俯視各郡勢若建瓴非得博大通方威信重臣鎮撫其地則四省往往多事故前代特命憲臣駐節於郡王文成公授提督專征伐剗平山寇厥勲爛焉及宸濠逆命天下震動公率二三郡守統兵數千旬日之間擒俘宸濠舉豫章數千里地歸之朝廷豈非重地得人之明驗與而文成公學本周程在贛日與南野東廓洛村善山諸君子講明良知之學天下學者以虔南爲歸而

野泰和人東廓安福人洛村善山皆郡之雋都人可謂盛矣噫虔南之盛衰旣關數省之安危而聖學之修明每肇端於茲地則其山川必磅礴鬱積滌洄蜿蜒故能固東南之靈氣蓄造物之祕藏而非他郡所可類類也予旣考閱舊志得其形勝扼塞之要間嘗登城四眺見崆峒天竺萬峯迴合貢水章江雙流奔湍北顧十八灘巨石側立如犬牙森森想見清獻疏鑿之跡未嘗不俯仰慨嘆云時率官師謁濂溪二程子講堂修其俎豆信國文成二祠亂後或敞壞或焚燬予旣祀於濂溪書院與諸生執經揖讓於前念典型之尚存思音徽之如在蓋不禁爲低徊流連也獨

是山川如故風俗漸漓戶口消耗賦役繁難且伏戎未靖鄰氛時警選舉應南宮試者十二邑僅數人耳嗚呼何今昔之不同如此是非任旬宣牧守者之責與今大中丞蘇公文經武緯勦寇興學威德著於遐邇四方立覩廓清正所謂博大通方威信重臣也予以庸菲不克承事下風共勦盛事實深自愧後之君子撫覽茲編尚其加意振興綏輯殘黎再見清獻之休烈而與賢士大夫講明性道尋塗緒於微茫以上追濂溪陽明之風知必有洛村善山其人出而應之者矣順治十七年庚子分守嶺北道睢陽湯斌聖天子坐明堂以出治轂郵萬里東西朔南遠涉漢唐宋

開天之版遐邦文獻悉達職方禹貢幅幘不克博綜成書以備大一統之典亦安用此山諸侯澤諸侯爲者贛州在天末屹然爲三湘八閩五嶺之奧區於時天雨矢地涌干於章貢之湄者以數載隸我正朔獨後諸省欲懷柔而救寧之將何以按籍如指諸掌句章氏邈矣吳楚越之不常所治也夫斗牛女之野所聞所傳聞異辭石梁之敗皂口之阻不可謂地險之非山川邱陵也元詔天下無修城城日就圯四方兵起始再修於全普庵撤里之手無事之備庸敢一日弛哉彼白鵲翠玉駒巖鬱孤之間僅子大夫事耳明洪武初戶以八萬二千計口以三十六萬二千計永

樂滅其半成化再三滅其一宏治中過成化而不及永樂
兵興以來膏原野者更凡幾青羊白戈之害寧有豸耶按
齒程能政莫先焉鎮撫之設肇自金澤文成定難遂大厥
功其他大帽山三巢之捷威銘戈鼎卽守令倅尉罔不各
靖乃職事不有君子其何能國百勝昭信廂軍萬戶部之
號代不相襲大約不能偃武建鎮募卒無事則坐糜衛所
之旅率足以建威銷萌參戎命大猷未聞以權輕墮乃績
也稅在虔關於諸關稱徵者商賈雲屯時以其餘佐大中
丞敵愾之需今嶺海犀象珠貝之利未盡通權使者迭中
考功法倘貯帑以豫緩急於司農若鎔銖也虔俗尚鬼大

類食殍食不祥食夢食穢死寄生者言顧岳忠武手高宗
詔屠城力爭者三乃免常開平以大將軍下城不擅殺一
人社而稷之不獨濂洛諸君子位不祧也士讀古人書詎
功名是急無人焉踵鍾紹京董越而起余無責瞻彼玉巖
高蹤未遠善山洛村諸風流猶有存焉者乎左氏傳春秋
不黜神怪石鼓白鶴以暨登木杪去兩腋生龍鱗告漢灌
嬰以捷期又被瑪瑙帶賜者未必非閱覽博物之一端也
十蛇聚龜之譚傳出郭璞詭而不可信二井三池理則有
之螺女木客不一而足白孟蘇黃宋李輩皆筆補造化矣
余樸不能爲雕語又虞無以成大一統之典得舊志十八

卷慮截趾而適屨也爰仍而刻之後之君子察險要相風俗何以使備則以委積巍峙聞備則以戍樓會巖聞遊吏以無疲騎將士以無缺及聞師無以漁擾其下而譁其口聞百姓無以殫不餽聞當有按籍如指諸掌者又不在區區口若耳之四寸間也順治十七年庚子贛州府推官中州周令樹

古者一代之興必紀其功德文物之盛其事則掌之柱史其文則藏之故府又恐幅幘廣而耳目難周於是有守土之責者皆得司其紀載之事其山川之美人物之靈悉得而詳誌之於以備摺拾昭法戒此外省郡邑志乘所由昉也蓋其事非徒以博通典籍以自侈其文纘而已必也考其源流究其本末務使其文質精當詞不溢而義不踈斯善矣予嘗嘆志乘之弊多由於簿書俗吏欲藉是以塞守土之責亡既無博蒐精核之才而又委諸一二庸妄之人擯竊舊聞轉相附會或一人而爵里互移或一事而年代互異又其甚者廣徇情面陰圖利資蕭蘭可以同登玉石因而倒置然則其書尚可信歟此而不慎後雖有博蒐精核之才欲起而辨其是非考其得失而事與時湮跡因世改其孰從而引證歟孔子曰吾猶及史之闕文也又曰信而好古故春秋於郭公夏五之文寧疑而不益而問禮問

官不憚勞搜而博採蓋古聖人於紀載之際如其詳且慎也今卽以贛言之自周秦以迄於今歷漢魏六朝唐宋元明上下二千餘年其間或屬於郡或置爲州或升爲軍或改爲路或置爲府銅墨之所臨旌節之所駐長蛇封豕之所出沒金戈鐵騎之所往來蓋不知其幾變遷矣考諸紀載得失之林保無有傳信而不傳疑者乎我

皇上聖德神功統一區宇深仁厚澤垂五十餘年凡在四海六合之內無不照臨而贛在西南爲中原之近地兩粵之通塗扼險阻而據上流非他郡可比則郡志之當修更急於他郡興國張令由度常出宰是郡予久耳其名因屬以茲役期年而告成以其稿請正於予予流覽一過嘆其蒐覽之勤考核亦稱詳慎庶幾乎詞不溢而義不疎矣因喜而弁其言於簡端康熙五十一年壬辰仲秋江西巡撫廣寧郎廷極

予以辛卯秋仲上事贛郡少參嵩巖陳公則語以纂修郡乘之役方置局歲事纂修者誰與國令損持張君也贛之屬十有二興國令何以獨尸之以大中丞今帥漕郎公命也帥漕公以先山左中丞公嘗守贛郡遺愛在人歲癸亥公假道茲土遺民故吏迎拜郎君誦述先德者以億計比公節鉞江右尤惓惓以贛屬爲念屬守土之吏蒐裒志事

者至再皆未成輒去既稔知張令之在興譔激水志林得
古人作者之法遂舉郡乘畀之而屬少參公以監總之任
凡張令所舉襄事之人所採之書所移旁郡縣之符牒所
發之凡例條目一一請於少參公可而後行予亦得參預
其末期年書成郎公已移節淮上上其稿擊節嘉許無遺
議乃更命之鐫板以行蓋贛府舊志訖於前明萬曆之末
祚距今九十餘年十二邑各有志或成或否先後參差遠
者闕至百二十年近亦三二十年此百二十年九十年三
二十年者之增修補譔無論已顧張君更爲旁蒐遠紀益
求前志之所未逮人物增者什四五人物之姓名具而事
蹟未備增者又什二三異聞軼說典章制度增者什六七
詩文簡牘增者不啻什之八九舉舊冊較之大有逕庭若
河漢焉予進張君誥之曰子其遇異人而得異書耶抑不
免於史遷多愛愛奇耶張君謝曰非敢然也人物得之唐
宋累朝諸國史弇州鏡山未成史諸家之書以及宋元以
來諸家詩文之集詩文卽出於諸家之集以及諸選家編
輯之詩文異聞軼說又出於史與集之緒餘間採稗乘諸
書而襄事諸子舉所聞以助之而已某固陋藏書不多旣
奉命承乏斯役嘗遣人鈔書於吳下師友藏書之家惜資
力不給未足以愜所懷凡所增修之故典其所自出皆具

於各條之下非僻書也以愛奇之故而務爲無端厓之詞其何敢予作而言曰諒哉物莫不聚於所好而成於用力之勤周賈藏玉之璞而鄭賈懷鼠之朴商邱之楸柏拱把而上者求狙猴之杙者資之三園四園求高明之櫪者資之七園八園貴人富商求揮傍者資之有賤丈夫焉執鼠朴與拱把之木而號於衆曰鄭無玉商邱之山無材今之操筆而登作者之壇皆是矣張君固負作史才其詩文頗頗於古大家而特露其倪於鄧志於此益以服帥漕公之知人少參公監總之勤予之來適躬視其盛而是書之成可以不負斯責也故原始尋其端而爲之叙時康熙五十二年癸巳季冬知鄧州府事廣寧黃汝銓

郡與縣必有志郡志視縣志較畧而視省志則加詳雖然詳亦非務博好奇摭拾不根如不善竹者節節而爲葉葉而累之謂也必擇其文其事有關於山川之美人文之秀風俗之醇龐文武察案之遺愛立功立德立言之先達名垂不朽者志之使讀者思其美慕其秀樂其醇龐懷其遺愛景仰其先達之所以樹立不朽斯詳者不病其繁且惟恐其畧也否則搜羅雖備紀載雖多以云務博好奇摭拾不根則得矣稱爲一郡之信書猶未也鄧郡江湖樞鍵嶺嶠咽喉又十二邑多崇山幽谷爲姦民逋逃之藪昔稱難

治然承平日久山川清淑之氣積厚而發故其人文蔚起
醇龐成風文武寮采遺愛在人者後先相望而官居清華
諸君子類皆榮榮不羣知其將來必能如其鄉先達以功
德言克自樹立卓然可紀也固宜悉取諸志以成一郡之
信書矣乃不聞有言及此者豈前志猶存其闕者不必補
耶抑簿書錢穀之下欲爲而有待耶大中丞紫衝郎公留
心修葺委其事於興國張令而俾余爲之監總余於是進
張令而謀之曰此志不修且九十餘年矣子今者第爲其
畧乎非所以仰承大中丞公意也將爲其詳乎卽志不勝
志不足稱一郡之信書也子但爲其畧而不華切而有要

使人讀之雖詳也而不病其繁且惟恐其畧也如斯而已
張令然予言於是博求羣書擇其文其事有關於山川之
美人文之秀者風俗之醇龐者文武寮采遺愛之可風者
先達之功德言名垂不朽足使頑廉懦立者悉取而志之
覈而不華切而有要非務博好奇摭拾不根以爲詳者比
今而後贛郡有信書矣書成授梓余亦樂爲之序康熙五
十三年甲午季春分巡贛南道三韓陳良弼

郡縣以水名者不一章貢二水形適與贛合贛水居江西
上游源出新樂聶都二山其間襟山帶水土田磽确物產
稀疎人民戇激而猛烈典郡者難其任虞潭父子以勲績

著於晉五代之際封爵遞嬗武畧稱雄一二名宦與郡之士大夫以文采風流相尚遂有所紀述如南康記其先導矣郡志自元以前未有聞明正德丙子邢公珣曾一修舉見於嘉靖董志叙董志而後有天啟辛酉謝志

國朝康熙甲午張志皆名筆也乾隆己卯前守朱公復舉其事稿垂成去遂輟閱今二十年存舊稿於蠹蝕之餘余時一展閱未嘗不慨歎前勞思踵成其書以簿書紛沓未遑也丁酉夏因公寓章門驛道吳公則前守郡者也偶話舊事謂顧志近六十年中間僅一續修而中止非典郡者

今日之責歟余益躍然心動歸郡集寅寮議輸俸重修分

宜林君有席前領吉安志義例嫻熟走幣延主其稿佐以新建孝廉杜夔府學劉教授謙劉訓導欽謨並襄贊之八閱月脫稿林君參舊志新編爲發凡十六則總目十六虛公熟商而後援筆於是杜君任賦役軍政圖考教授任學校名宦寺觀訓導任建置兩人又兼任人物列傳自天文地理山川秩官選舉封爵列女藝文雜志皆林君領之每一稿成諸君辨訛訂舛補缺刪繁炎暑涼秋晷餘燈炮編摩不遺餘力余感其勤慎案牘之暇逐卷復按析疑徵信不憚往復有所是正林君語予開雕易而定稿難以謝公鳳潛之謹嚴張公損持之該洽加以前二十年之搜討辨

折於今猶有所糾正增益可不再三詳慎乎予日後之視
今亦猶今之視昔敢謂今之萬全而無憾予五人竭其心
力之所可到而其餘則姑俟之繼此之泄是郡者觸於所
見聞據今所紀載爲左驗而化裁通變以時措之於以仰
副

聖天子久道化成之盛治其必大有造於贛郡也乎乾隆
四十三年戊戌知贛州府事榆關寶忻

贛州府志卷首

凡例

一志乘不出上地人民政事一語張志分志地志人志

一政志事志言於政事分爲二類殊未愜心然其宏綱

要已畢舉今首輿地卽志地也次經政卽志政也次

官師選舉人物卽志人也次藝文外志卽志言也竊

取其義名雖異而實同加以條目則庶幾縷晰云

一疆域山水古今所同規其大勢附以前人考辯游記

陂塘悉仍舊志無庸妄增修建姓氏致開爭水釁端

一城池學校書院官廨祠廟雜建置屢有遷徙而寺觀

名蹟興廢尤甚附載碑記一二藉資考證其他著作無關修建者則列入藝文

一自贛郡有濂溪陽明二書院東西相望似尊崇之者儼然有門戶之分異同之見而不然也贛爲濂溪過化之地陽明又大有功德於贛人教澤之畱遺皆未有艾故於贛州則並隆焉可也

一郡志不載監司以上而贛州嚮設重臣自康熙四年巡撫奉裁八年守道亦裁至今巡道領三府一州兼權關驛傳且其地久經用武寇盜不時出沒駐劄總兵官有備無患兵制因時裁減移置文有統轄武制總鎮不當以其郡志也而畧之

一謝志元本董志多所訂正董志今雖不存知所纂未必盡善張志本謝志之綜核而加博瞻謝張二志皆可觀者顧謝志亦有遺漏處如唐書載李勉曾爲江西觀察使謝志祇沿舊志列貞簡於刺史張志旁搜遠引多多益善不無可議如以綦母潛爲贛人前志所未有綦母補闕全唐詩稱荆南人荆南今之荊州府也

一沿革官師選舉諸表俱不可廢仿史例爲橫表則自實志始今當悉從實志惟於選舉志中添附仕宦表

一卷餘則補遺訂誤增新而已

一諸傳就見聞所及頗多增補如統轄名宦補二十八人唐李勉元李恒葉僊龔管如德李彥古察罕董士選元明善明陳麒錢宏周相王浚吳山龔輝喻智沈和楊伊志李棠蒙詔張璋汪起鳳賀萬祚姚奇允彭期生黎遂球

國朝嚴正矩劉蔭樞白啟明新增者三人將攸銛廖寅查清阿府名宦補十二人唐李夷簡宋劉瑾劉顯羅棐恭梁岳陳天麟張處厚李肖龍明黃學海翟守

謙

國朝畢高選李啟宇新增者二人王友沂石家紹縣名宦補十人唐陽鴻宋黃文嵩明胡澄劉格鮑際明卓震林逢春

國朝李若垠鄭世逢曹炯曾新增者十一人徐大坤孔典浙沈均安董元度鄧蔚林門錡龍澍陶琳葉廷珩王維屏武穆淳武名宦補一人明金文光新增者二人諾爾布哈豐阿至顛郡人物自乾隆戊戌年後據各廳縣志增載外如仕籍補一人明王漢忠義補二人明曾嗣宗劉鳳起新增二傳馬文亮畢開琥而以蕭鵬飛等附焉文苑新增十二人廖世樞劉兩峯

宋昌恪宋昌鳳袁堂孟惟清徐紹斗黃致黃一桂蕭
朗峯戴雲官劉惠熙善行新增五傳江瀾羅詩瑞徐
名紱鍾崇佑方君仕而以李資達鍾培鍾崇价等附
焉藝術新增二人羅泰琮王培萬賢新增二人東苑
張穆高安徐驥僊釋補一人明夏侯仰梅

一孝友純行也謝志論之詳矣謝之言曰前史孝行多
端未聞有割股廬墓事末世乃有之甚矣中庸不可
能也夫哀毀之餘復受風雨剗剗之下有傷肌體泉
非厚渚之所許余亦不欲以此勸孝故傳中不詳割
股事於廬墓則間錄一二其他孝行皆人子所能為
者

一蕓郡崇尚理學以雋都爲最何廷仁黃宏綱宗陽明
之學者也李濂尊朱子以正陽明之學者也信豐黃
文澍蕓縣鄧元昌皆能自飭躬修希蹤前哲今於人
物傳雖未敢別爲理學而坐中有諸君子足爲儒林
生色

一名宦及本地人物生前不書節婦合例請旌則書之
皆謝志例也若他州縣寄籍者如鍾斯氏之死難最
烈今且二百年矣秦和志中久經遺漏正恐湮沒不
彰不敢從鳳渚所謂原籍自有志也

一志乘家每編前必有序後必有論塗澤可厭今仿張志所謂有不得不自者不妨間一用之案語較切於總論每有辨哲卽加案於後其體例有於序案中著明者不復贅述謝志張志實志舊例言約採數條附後

謝志例言

督撫監司不當載於郡乘第虔爲督撫駐節地巖瞻攸在而保障屏藩實切依賴首列統轄政以表庶僚之冠冕也其功績顯著者別爲敘述則竊附於遷史傳公儀休子產之意云

名宦鄉賢生前不書一以名位未艾一以鄉論未定也其官師去任而功德在人口碑聊述其概節婦年踰六十已合令甲雖未卽世俱備書之若他州縣寄籍者卽被旌不書以原籍自有志也

舊志有忠惠廟祀郡人盧光稠韶州廟額亦如之無亦以光稠在唐僖宗時曾爲虔韶防禦使有保境功遂廟之耶抑或其父子相繼劫於餘威故稱德頌功亦猶蔡州之祠吳元濟耶考唐書載光啟元年春正月南康賊帥盧光稠陷虔州自稱刺史以其里人譚全播爲謀主書法抑何明且著邪朱溫篡唐在天祐

四年距光啟初且二十二年卽云請命於梁願通貢賦亦據防請後之故智耳乘時之亂爲衆所推以刺史自命專擅多年仍傳其子延昌而李彥圖譚全播俱爲帳下所擁立律以春秋之法在所討乎在所予手傳之忠義是邪非邪削其官并刪其傳所以誅僭竊於旣死也其起廢始末則詳見紀事中

按唐謝尙書肇生於衣錦鄉葬於本鄉之黃口皆興國地也宋楊祕閣孝本生於車邨葬於通天巖皆贛縣地也二公爲郡人無疑矣乃南安志俱收入上猶豈兩姓子孫有散居近縣者因而各推本其祖邪一

統志獨尙書姓名與猶兩處互見而祕閣仍歸贛縣江西通志則并祕閣與尙書三縣重出矣

舊志鄉賢中興國有王編修質按宋史質先爲鄆人從興國不明言軍興縣也閱文獻通考載雪山集三卷富川王質景文撰富川係湖廣興國軍舊名於是檢武昌府志而覈之則傳質入興國州僑寓其注履歷與史同紹興三十年興州人周震來同舉進士而州之政和堂恩波亭銀山寺福星寺大浩院皆有質詩富池口吳將軍甘寧廟有質記始信質之非贛人也而一統志江西通志俱誤矣旣據質論贛盜嚴盜

疏中一則曰臣嘗聞之二郡者一則曰臣往在江西見所謂食菜事魔者又曰臣往在江西見其所盜販茶者其非贛產不較然著明乎當其時張孝祥知荆南與質游汪澈以殿中丞宣諭荆襄張浚以樞密都督江淮俱辟質爲屬以質居楚故也廣輿記亦收質入武昌人物查宏治辛亥郡志無質名嘉靖庚寅志始有之豈因一統志江西通志乃增入之與夫名賢固有二三處互見者不妨存疑但州縣同名興國縣之不可溷於州猶州之不可溷於縣也州有詩有記

足證矣而縣無一可證豈空以臆實之且指某爲某弟某爲某孫某爲某幾世孫將不令楚人抵掌乎郭青螺先生表章前哲採及鄰封作興國四賢傳意何厚也予也桑梓後生奈何忍蔑先賢而妄有辨駁乎第志以信今傳後訂譌考誤責有屬焉如明知其非是而姑冒以爲名是以拜郭汾陽墓者待里人薄滋甚矣旣無所疑不存之可也

舊志中有訛誤者如沿革條南宋武帝永初元年置南康國而誤爲順帝昇明初南唐昇元初年取吳地置昭信軍而誤爲長興二年吳置南部都尉於雩都始析雩都地置陽都縣晉太康元年改陽都曰寧都

太康三年平吳改南部都尉為南康郡以南海郡揭陽縣屬焉見廣東通志甚明其曰吳嘉禾五年析雩都東北地於陂陽郡白鹿營置揭陽縣寶鼎三年徙揭陽縣治陽田營改曰陽都者皆非也秩官條鄭起潛宋嘉熙中誣為史嵩黨貶知虔州而誤入唐刺史蔡挺提點江西刑獄兼提舉虔州監會樞通天巖石刻稱通守而俱誤為軍事推官孫明復以狂人孔直溫波及坐貶而專責夏竦陳從易知漢州事強作虔州事尹洙坐黨范仲淹貶監郢州酒稅徙唐州宋史并歐陽永叔墓誌可證而誤以唐州為虔州郭昂為

廣東宣慰使一統志敘其履歷并及其三子長震杭州路鎮守萬戶次惠僉江西廉訪司事次豫知寧都州今舍豫而書其父昂又書昂習武擒蠻事繆觀國宋淳熙間龍南丞寇淮永樂間龍南令今遺寇淮名不錄而以淮事注於觀國下人則宋而事則當代大可笑馮公康洪武五年任府同知贛州衛碑載奉訓大夫同知贛州府事而誤列太守之首蕭頤南齊贛縣令而入五代趙汝盥宋嘉定十六年贛縣令而入洪武今悉更定此類尚多不能盡舉也

郡志採輯邑志而成之者也吾郡屬邑各有志獨會

昌石城兩邑無刻本贛有宏治刻本余爲諸生猶及見之而今亡矣雩志修於李中丞涑寧志修於盧璽卿達吳比部天德三君載筆謹嚴非所謂信而有徵者耶隆慶間張旌德淵有意信豐志力追古昔勒成一家之言業已脫橐顧以嫌忌改削原草過半書出人有遺議焉惜也其它或新或舊均之可備一時考覽然龐雜誣誕間亦有之蓋綠草野弗諳典章譜牒妄爲攀附掠美者既不耻於昌贛當事者復欲槩事鋪張曲徇人情何關風勸甚者錢神得通其徑實賈豎竄入於仕流穢行先麗於刑書高致詞登於新采則志之濫觴也徒爲有識者所鄙笑而已妄有取裁難免同異知我罪我其在斯乎

張志例言

謝方伯贛郡志素名善本自大司空睢州湯公稱其義例謹嚴事辭詳核惟成書志今九十餘年鄉邦文獻不得不有事增修康熙甲子郡人孫麟貴郭泰符續志起於有明之熹懷但主踵事無意更絃今大中丞公諤委纂修檄文首有舊本甚多闕畧之語夫闕畧固載筆者所不免也陳承祚三國志與裴註並行歐宋新唐書較之舊書而曰事增于前鳳渚先生之

書所列名宦鄉賢于宋元人物不無挂漏至乃遺文
軼事未及採錄者更多大中丞高識閱覽所孜孜于
闕畧者意固有在爾

謝志稱補舊志佚漏若而人與董志比對而言也謝
之去董與今之去謝皆彷彿九十年昔惟一代而今
則兩朝熹懷以下例當續撰不得以補漏言就既經
鳳渚珥筆而今復增添亦不啻什之四五矣

謝志初板鼎革時已燬于兵徵周司理令樹重梓大
航幾無復出董大理嘉靖丙申舊志無能舉似其名
者偶從康孝廉同祿處購而讀之可謂靈光獨存風

渚虞臺志僅得鈔本數篇論贊統轄名宦今登之傳
後者是也近託人於崑山傳是樓鈔寫藏書得南韻
撫臣行實一卷亦非完本十二縣惟雩都志宋嘉熙

中周頌有誤袁天騏與國志稱宋志數條軼作者之
名其餘皆昉于明代獨贛縣志鳳渚稱有宏治刻本
而當時已亡近日劉令瀚芳草誤於康熙甲子諸志
中反居最後就前明諸志李中丞涑之雩都盧璽卿
遠之寧都最爲名筆寧志舊本尚存由未經後人續
修竄壞之故群乘之體原與邑例有間而璜谿寥寥
數卷又未可與鳳渚同日而語故一以謝志爲裨誌

而加之討潤焉

江西禹貢揚州之域天文斗分野於辰則丑於次則
星紀於宿則斗牛女按揚州之域不止一江右今之
江南浙江亦斗分閩廣亦牛女分江西界四省之間
而並麗此三星作統志者所列分星於義當矣贛州
者江西十三郡之一耳十三郡之分星皆同贛州何
以獨得居之舊志引魏太史令陳卓言郡國所入宿
度豫章入斗十度贛隸豫章則贛之宿度豫章已統
之矣贛可以不載今之豫章專指洪州贛去洪千有
餘里所入之宿度宜不無參差則愈不必載近代志
乘陋規必列分野雖蕞爾小邑亦裒然簡端襲數千
里公共之宿專爲獨居之度不若刪之爲當周禮保
章氏所掌娵訾屬衛壽星屬鄭大火屬宋與星紀所
屬之吳越地之廣狹不倫又星紀之次在北而吳越
地南元枵降婁之次在西而齊魯地東其故誠有不
可解者先儒久已疑之夾漈鄭氏又曰天之所覆者
廣華夏所占者牛女下十二國耳牛女二星且非閩
廣江西三省之所得居鯁生不敢談天闕之可也
贛地夙號多山諸志分爲峯嶺巒岡巖澗諸名其實
一山所有反使首尾橫決脈絡不明且土名不一更

有名峇名嶺者何以列之今一倣酈善長之體爲之
聯貫分疏止隨地形遠近山勢斷續以大包小以有
名括無名而荒僻頑蕪者不妨會諸使一覽瞭然
水以脈絡爲主韻屬諸水各自其山發源而奔走以
合於韻辨其經支約以三例曰發源曰經行曰會聚
發源者如龍南之桃水石城之琴川是也經行者桃
水之入信豐琴川之在寧都是也會聚者韻縣之章
江貢江是也自餘各縣名水及諸小水概以是例條
分縷析出某山經某地合某水此又桑氏水經之體
從來舊矣

細民不恥爲盜椎埋之姦視天下爲多其說見於王
介甫李泰伯張子韶之文而李忠定王文成吳堯山
江仲文以逮

國朝之劉柱國佟匯白諸鉅公皆以芟夸大難丕著
戎勲其奏牘連章多言弭寇之事蓋以介居嶺嶠箐
嶂叢深習俗頑獷扞網時有其間亦有麟豺薦處蘭
艾同焚未可一概而論總以時籍風颺地當淵藪先
叛後服司牧之責所重費其紆籌者也故兵寇一編
爲之反復致詳焉

晉唐以來累朝國史韓蘇以下諸家文集日星江河

經天行地鳳渚先生之博雅不知何以闕漏猶多茲集之採獲頗殫厥心矣大家詩文海內傳誦雕板亦多善本間有一二仄隱佳篇蒐之邑志及從僻書鈔出者亥豕臯羊幾於無可句讀細意苦心爲之釐正身輕一鳥之句承叔以過字承之開山幽居祇樹林敬美以士字易山字當其思則得之亦一快也

知古而不知今謂之陸沈張壯武之博物猶未能悉三十年中近事謝志名宦於中明反多所畧以同時故也

國朝顧郡上僚平昔景仰鴻名顧無從疏其政蹟者蚩氓戴德而不知末學臆譏而不敢姑闕文以竢之乎

信史貴乎實錄故無取泛詞褒美若使論文人而輒曰學窮千古錄武士而但曰力敵萬夫安所取乎又各傳中多不稱名尊之曰公此墓銘體也施之於志傳則僭後人註韓杜蘇集稱公亦一家之言非通義也間或臨文稱呼則各從所著其未著者務標顯之古有楚國龔遂漁陽趙壹者標之也賈誼董仲舒則旣著矣中郎稱靈林宗稱字簡文稱謚羊公山公稱姓各從所著也

章貢爲嶺嶠襟喉累朝設官自開闢分轄關權戎帥
文武大小廢置無恒官舍亦因之數易庾公之樓羊
公之亭里巷傳譌疑耳信目逮及二氏之居遷流不
一茫昧更甚若夫亭臺別業此邦所少然亦不無可
錄者今就昔賢記序可辨識者稍釐正之疑則仍闕
程泰之雍錄於選院諫坡二省政事堂特列職官一
卷楊銜之乃有雒陽伽藍記李方叔則爲名園記掌
故司存蓋前哲於是盡心焉耳矣

名宦鄉賢當國史名臣列傳各以時代分編體旣崇
重文筆亦繁支儒武畧以下不復分編倣南北史之
循吏儒林諸傳不復列宋齊魏隋例也就諸傳中各
有世次閱者自能辨之惟雜傳歸餘蜂起蝟集不能
悉次若新唐書孝友傳序臚列姓名俾附不朽於青
編而已

小序起于史記儒林游俠等傳間一用之班范亦師
其法孔安國曰序所以序作者之意也意自矣奚序
爲近日志乘家每編必有序或爲叶韻排語以足之
葉燮輯吳江志痛加拊黜愚意以爲有不得不自者
不妨間一用之

寶志例言

府志自康熙五十三年壬辰江西巡撫郎公廷極檄興國知縣張尙瑗纂修大約沿明謝詔舊志爲胎本重加搜羅訂正分志地志人志政志事志言五類府境舊轄十二縣始自明萬曆四年至國朝乾隆十九年始升寧都爲州以瑞金石城二縣隸焉十九年前事迹俱照張志詳具志中秩官表中之縣佐雜職選舉表中之援例貢監典吏飲賓等類亦應縣詳府畧不必沿舊志登載如通志不載州縣職官貢生選舉之例

秩官選舉封爵三表張志皆用豎行新稿仿照史例立橫表秩官府縣分表亦從張志有年分可攷者卽按年分表之無確鑿年分者則按朝代表之

繪圖三十一

繪圖三十一

府境疆域圖

河通瑞金縣

福建武夷縣界一百三十里

寧都州瑞金縣界

河通寧都州 河通石城縣



廣東韶州府翁源縣界一百一十五里

贛州府志

卷一

府境疆域圖

二



張志舊圖

東北界廣昌縣修
嶺四百二十里

東界福建長汀縣大隘嶺四百六十里

東南界福建長汀
縣天井嶺五百四
十五里



贛州府志

西北界龍泉縣黃
土嶺二百一十里

西界南康縣五總鋪三十里

西南界南安府楊梅嶺
一百五十里

張志舊圖

三



府境水源圖

府東西廣四百二十里
南北廣六百六十里

東界寧都州瑞金縣黃安巖三百九十里

湘水源一自項山一自

東北界
寧都州
排雲隘
三百三
十五

琴水
琴水出石
過雩都入貢江
城縣牙梳山
琴水
瀟水

梅水
梅水出寧都州梅
巖過雩都入貢江

瀟水

瑞水
瑞水出
瑞全縣黃
竹嶺合貢
水過會昌
雩都流頰

貢水發源

貢水源出福建新
樂山合端水流頰

湘水

東界
瑞金縣
銅鉢山
四百七
十五里

蟻登嶂

澱水
澱水一自興國
縣間圖都一自蟻
登嶂合澱水入貢

澱水

山雩

雩都縣

寧都

安遠

會昌

大頭

瀟江

瀟江源出
安遠縣大
頭入會
昌合湘水
流頰

烏嶺

山雷

長寧縣

南界
廣東
廣源
縣桃
皆流入廣

雩都縣

南定

山雩

雩都

雩都

山雩

澱水
澱水出興
國縣復符

興國

北界萬
安縣分
水嶺一
百三十
五里

貢江
貢江源出福建長汀縣
新樂山經瑞金過會昌
至府城北合章水入萬

信豐

同堂

贛州府

海河

章貢二水
合流萬安

章江源出南安府崇義縣
聶都山自大庾過南康北
折至府城西合貢水

山波

桃水
桃水源出龍南
縣冬桃嶺合源
渾二水過信豐
入貢江

龍南縣

武當山

武當山

源水
源水出龍
南縣程嶺

程嶺

源水

源水

西北界龍泉嶺黃
土嶺二百十里

西界南康縣五總舖三十里

西南界大庾縣梅嶺一百五十里

府城全圖





貢川守志

卷一 府城全圖



五



府文廟圖




濂溪書院圖



頁一第


濂溪書院圖

陽明書院圖





陽明書院圖


督學試院圖




分巡道署圖



府署圖



總鎮署圖



贛縣全圖

東北界與國縣亂
石嶺一百二十里
東界雪野都縣馬
鞞石八十里
河通雪野都

東南界雪野都
縣學洲五十里



北界分
安縣分
水嶺一
百三十
五里

贛州府 縣 贛



西北界龍泉縣黃
土嶺一百一十里

西界南康縣五總鋪三十里


西南界信豐縣
湖墟一百二十里

零都縣圖

東界界會都黃沙鋪
州龍婆二百里

東界瑞金縣路口運五十里

東南界會昌縣文
千保七十里



零都縣圖

北界賴縣
州八十里

西界賴縣石鼓
山五十里

興國江口

水流賴縣

西南界信豐縣
官山一百七十里

信豐縣圖

東北界贛縣大湖五十五里
水流鎮縣合貢江

東界會昌重石嶺一百二十五里

東南界安遠縣平坑一百里



北界贛縣善竹湖五十五里



贛州府志

西北界南康縣峴嶺五十里
西界大庾縣楊梅嶺一百五十里

西南界廣東保昌縣柯水地六十里

信豐縣圖

興國縣圖

東北界永豐縣
赤坂洲七十里

東界寧都州黃陂一百六十里

東南界寧都縣
青塘一百三十里



西北界泰和縣白羊坵六十里又界潁川七十里

西界萬安縣平西七十里

興國縣圖

西南界贛州府
村五十里

安遠縣圖

東北界會昌縣清溪一百八十里

東界長寧縣石骨路四十里

東南界廣東程鄉縣陳田二百一十里



北界會昌縣亂石墟一百五十里



西北界信豐縣平坑一百一十里

西界信豐縣石骨六十里

西南界廣東龍川縣錢龍三百三十里

龍南縣圖

東北界信豐縣曹嶺一百二十里

東界關西程嶺五十里

東南界定南
應佛子地六
十里



北界信豐縣曹嶺一百二十里

南界廣東連平
川白汝
分水地
一百一
十里

龍南縣圖

西北界信豐縣西秀
翠鼻山三十五里

西界廣東始興縣頭嶺一百三十里

西南界廣東會昌縣
冬桃嶺一百五十里



長寧縣圖

東界會昌縣
盤古隘七十里

東界福建武平縣馬戰嶺八十里

東南界廣東平縣
殿奮六十里



北界安遠縣太陽關
七十里又界會昌縣
清溪八十里

南界廣東平
遠縣牛拱石
七十里

長寧縣圖

西北界安遠縣符山
堡打鼓嶼五十里

西界廣東龍川縣吉洋八十里

西南界廣東興
寧縣九十里



長寧縣圖

贛州分野昔人謂應斗十二度或以
為汀贛屬牛聚訟紛如迄無定論
張志不繪星圖可謂實獲我心矣
寧都瑞金石城舊隸贛屬為十二
縣張志舊圖不可廢仍之今領廳縣
九更為新圖疆域沿革秩然可按
次學宮書院次考院官廨凡有闕
於治體者繪畫如右

贛州府志 卷之二

輿地志

疆域 沿革表附

贛郡自東漢至宋屢易其名曰廬陵郡曰廬陵南部

曰南康郡曰南康國曰南康州曰百勝軍曰招信軍

曰軍州曰望州曰虔州宋紹興間始改為贛初領二

縣北宋多至十有三

國初領縣十二自乾隆間分州後領縣九旋改定南

為廳贛縣雩都始於漢平固始於晉信豐始於唐平

固今之興國也安遠龍南或設或并會昌或州或軍

定南長寧最後置此為嶺北一大都會代有沿革詳著於表廣輪之數可按籍而稽已

贛州府

贛在春秋為百越之地

輿地廣記

楚使吳起南平百粵贛地屬

焉秦置郡縣地屬九江郡漢初高帝改九江曰淮南封

黥布為淮南王置豫章郡統縣十八贛雩都南野隸焉

布誅封兄子濞為吳王豫章屬吳景帝時濞誅國除復

為郡後漢興平元年孫策分豫章之五縣又增石陽縣

置廬陵郡贛雩都南野俱隸之吳孫權嘉禾五年復分

廬陵置南部都尉於雩都析贛置平陽析雩都置陽都

析南野置南安統縣凡六已又析陽都之陂陽地為陂

陽縣尋改曰揭陽晉太康元年改平陽曰平固陽都曰

寧都南安曰南康三年罷南部都尉改南康郡統贛雩

都平固南康揭陽

謝志有南野
亭都凡七縣

而以南野屬廬陵

張志據晉

書

五年以揭陽縣移治故陂陽縣

謝志又析寧都地
置陂陽縣凡八縣

康元年分荆陽十郡置江州都督府南康郡隸焉統縣

如故永和五年徙郡治於章貢二水間義熙二年又徙

贛水之東南

太平寰宇記

宋永初元年改南康郡為南康國

沿雩都統贛雩都南野寧都平固南康陂陽凡七縣大

明五年又析寧都虔化屯置虔化為八縣齊仍改為郡

統縣如故案謝志云齊書州郡志載永明八年罷安遠縣并虔化縣疑悞張志則據此為安遠置自南齊之證然無明文可考姑兩存之今附見於此以備一說梁大同十年析雩都置

安遠尋廢承聖初仍徙南康郡治於贛太平寰宇記陳領郡

如梁皆隸江州隋開皇九年改南康郡為虔州統贛雩

都虔化南康四縣其南野平固寧都陂陽皆省入四縣

中大業元年仍為南康郡唐武德五年平江州再改虔

州元和郡縣志取虔化水為名也領縣如隋七年置南康州大都督府

統領外十一州九年罷貞觀元年分天下為十道虔州

隸江南道開元二十一年以江南道分東西虔州屬江

南西道置采訪使天寶元年復為南康郡改南安縣為

信豐縣信豐縣志云從採訪使韓相奏請也又置百丈鎮尋改虔南鎮乾

元元年又以南康郡為虔州隸都防禦團練觀察處置

使廣德二年更號江南西道都防禦團練觀察使建中

貞元初改節度使復觀察使隸如故貞元四年仍析雩

都為安遠縣凡虔州統贛縣雩都虔化南康信豐大庾

安遠七縣元和六年第為上州咸通六年并江南西道

為鎮南軍案謝志咸通七年陞百勝軍張志謂唐書懿宗本紀無是事乾符元年廢

龍紀元年復隸如故天佑元年析雩都之象湖鎮置瑞

金監後梁開平四年於虔韶二州置百勝軍節度使以

虔南鎮為場楊吳順義四年又析南康縣置上猶場南

唐昇元元年改百勝軍為昭信軍節度使治虔州實志云太平

平寰宇記後唐長興二年升為昭信軍節度使唐長興二年為楊吳之太和三年則昭信軍之號不自南唐始矣

保大十一年以上猶場為上猶縣瑞金監為瑞金縣

虔南場為龍南縣虔化之石城場為石城縣凡十有一

縣俱統焉宋開寶八年下江南十九郡改昭信軍為軍

州統縣如故太平興國元年分江南為東西路虔州隸

西路析贛縣徽江鎮之七鄉益以廬陵泰和地置興國

縣案徽江鎮即前平固隋時平固復并入贛縣析雩都九州鎮置會昌縣虔

州統縣凡十三淳化元年以虔州之南康大庾上猶二

縣別置南安軍虔州統縣十大觀二年升為望郡建炎

四年併東西路為一置三帥虔隸鄂州帥紹興元年罷

復分隸江南西路如故二十三年改虔州曰贛州從按書郎

董德元言虎頭虔化縣仍曰寧都仍領十縣紹定四年

以會昌縣為軍咸淳五年復為縣謝志先是建炎閒置管

內安撫使紹興十五年罷復置江西兵馬鈐轄兼提舉

南安軍南雄州兵甲公事元至元十三年平江南改州

隸江西行中書省十四年升為贛州路總管府十五年

立江西湖東道提刑按察司移省於贛州十六年復還

隆興十七年併入福建行省立官慰司十九年復立元史

二十四年并龍南入信豐并安遠入會昌贛州領縣入

二十八年徙江西行省樞密院治贛州三十年分贛州
行院官一員鎮韶州元貞二年贛州路領贛零都興國
信豐石城五縣陞寧都會昌爲州瑞金隸會昌州至大
三年復置龍南安遠二縣統於寧都州明太祖吳二年
改贛州路爲府寧都會昌仍爲縣領縣十隸江西布政
司使洪武二十九年置嶺北道於南安後兼嶺南道移
治南雄成化十三年設分巡嶺北道移治贛州宏治七
年設巡撫都察院於贛稱虔院尋罷正德四年復設十
一年改提督軍務嘉靖三十六年增設分守嶺北嶺東
嶺南漳南四道統於虔院而贛州轄於嶺北巡守兩道
四十年析潮州程鄉縣益以武平安遠興寧上杭地置
平遠縣隸贛州四十二年從里民奏還三縣地止以程
鄉之義化等鎮興寧之大信都爲平遠縣改隸潮州隆
慶元年贛撫張獅主知府黃辰議奏析安遠信豐龍南
地置定南縣萬曆四年贛撫江一麟奏析安遠之雙橋
石溪等十五堡置長寧縣

國朝順治三年克贛州府仍隸江西布政司使領縣十二
曰贛零都信豐興國寧都會昌瑞金安遠龍南石城定
南長寧十年罷分巡道康熙四年罷虔院八年罷分守
道十年復設分巡贛南道雍正九年改爲吉南贛道

隆十九年陞寧都爲州析瑞金石城隸之贛州府轄縣
凡九改分巡吉南贛道爲分巡吉南贛寧兵備道三十
八年復改定南縣爲廳以贛州同知移駐

本仁案郡以廬陵南部名自三國孫吳始以南康名
自晉太康三年始以虔州名自隋開皇九年始以贛
州名自宋紹興二十三年始然開皇既名虔州武德
再改虔州而大業天寶之間或又仍爲南康郡且南
康之稱內更有縣今之南康縣舊隸贛州外更有軍
今之南安府宋淳化後縣乃分屬南安軍故昔人謂
取郡事入縣事取淳化以前郡事作軍事皆混詞也
前郡事作軍事皆混詞也

贛州府東西廣四百二十里南北袤六百六十里東界瑞

金縣黃安巖三百九十里南界廣東翁源縣桃嶺五百

二十五里西界南康縣五總鋪三十里北界萬安縣分

水嶺一百三十五里東南界瑞金縣銅鉢山四百七十

五里東北界寧都州排雲隘三百三十里西南界大庾

縣楊梅嶺一百五十里西北界龍泉縣黃土嶺二百十

里自府驛路至江西省城一千二百里至 京師五千

六百七十里

贛縣

贛爲漢置縣屬豫章郡孫吳時自豫章分隸廬陵郡後又

分廬陵郡置南部都尉於雩都而析贛置平陽晉改立

隸焉晉置南康郡隸如故太康末徙縣於葛姥故城太

寰宇記太康末年洪水橫流忽有大鼓隨波而下入葛
姥故城衆力齊曳踴而不動卜於其地置縣吉遂徙於

此宋昇明初移置贛水東梁承聖初又遷贛水南隋置

虔州改贛縣為南康縣大業初復改為贛縣唐因之元和

郡縣志曰章水西南自南康縣來貢水東南自雩都縣來二水至州北台而為一通謂之贛水因為縣名宋

太平興國七年析贛縣激水鎮之七鄉即前置興國縣

按隋開皇時并平固入贛縣紹興二十三年改贛州元升為路明改

為府贛縣並附郭

國朝因之編戶一百二十里參

贛縣舊志云江西地名之最古者自禹貢彭蠡左傳豫章外惟贛見於山海經曰已然原其所以名贛由郭璞山海經注則謂因贛巨人以名水因水以名縣由劉澄之之說則謂縣東南有章水西有貢水縣治二水之間合為贛字因以名縣而鄴道元辨其謬謂劉氏專以字說水遠失其責放之於古止云贛水出壽都山山海

經其文若一則是一水總指贛名矣惟漢地理志號為豫章水豈以豫章郡之水惟此最大故以名之乎而朱子亦言湖漢水即彭蠡水以彭蠡之水而此源最遠故以名雩都水也然則贛水者以其始出之源而名之也豫章水者以其極流之盛而名之也至貢水則絕不見於古傳惟創出於劉澄之之說故道元辨之贛之為縣自漢迄今習以來乃為郡治宋以來乃以名郡郡治所統惟贛與雩都南野三邑為漢置南野統今大庾南康上猶崇義龍南信豐六縣地已去其四入南安雩都統今寧都會昌瑞金石城安遠五縣地今又去其三入寧都

贛縣廣一百一十里袤二百六十五里東界雩都縣馬鞍

石八十里南界信豐縣苦竹垵一百三十里西界南康

縣五總鋪三十里北界萬安縣分水嶺一百三十五里

東南界雩都縣亭洲五十里東北界興國縣亂石嶺一

百二十里西南界信豐縣大湖墟一百二十里西北界龍泉縣黃土嶺二百一十里

雩都縣

雩都自漢高祖六年灌嬰定江南分淮南置豫章郡始立

縣於東溪之陽以北有雩山故名雩都

元和郡縣志因雩都水爲名

今古田坪卽治所也隸豫章郡後漢建安中孫策分置廬陵郡雩隸焉孫權分廬陵置南部都尉於雩都以其南五里灌嬰舊壘爲治所分雩都之白鹿營置陽都縣已又析陽都之陂陽地爲陂陽縣尋改曰揭揚是時縣治仍在東溪晉武帝改置南康郡郡治仍其地雩都

治亦如故永和五年太守高珪移治章貢二水間卽今

郡治宋永初二年改郡爲國復城於雩都國在灌嬰舊

壘縣治在東溪如故齊仍改爲南康郡梁大同十年析

雩都東南鄉置安遠縣尋廢承聖初復徙郡城於章貢

二水間自是雩專爲縣陳永定二年徙縣治於大昌村

卽今宣義鄉唐昌仙柱里隋大業九年再徙縣治於東

溪唐武德五年仍徙縣治於大昌村貞觀五年縣治

於洪永安撫使任懷玉奏遷今治貞元四年升雩都爲

上縣刺史路應奏仍割雩都舊安遠地爲安遠縣天佑

元年析雩都象湖鎮爲瑞金監南唐保大十一年升雩

都瑞金監爲縣宋太平興國七年析雩都九州鎮地置
會昌縣雩至是分爲五縣又石城縣分自陽都卽雩都
之石城場是雩固分六縣矣自南宋及元明雩屬贛州
皆如故

國朝因之編戶一十七里

雩都縣東西廣一百里南北袤一百七里東界瑞金縣洛
口逕五十里南界信豐縣重石山七十二里西界贛縣
石鼓山五十里北界贛縣磔下三十五里東南界會昌
縣又干堡七十里東北界寧都州鷺漣嶼二百里

女冠排雲
隘屬雩

西南界信豐縣籠官山一百十七里西北界

贛縣芴洲八十里自縣至府一百五十里

信豐縣

信豐本漢豫章郡南野縣地吳孫權嘉禾五年析南野置

南安信豐又爲南安地晉改南康唐永淳中析南康縣

東南地復置南安縣仍隸虔州卽今縣治天寶元年改

天下縣名相同者采訪使韓朝宗案舊縣志
作韓相以泉州有

南安縣遂奏改名信豐太平寰
宇記縣名始此縣志云以天
寶初當豐亨

之會也或曰縣北三十里有廩
山豐崇如廩縣以此山得名梁貞明四年吳楊隆演

以信豐虔南鎮爲上猶場南唐保大十一年析信豐縣

百丈鎮置龍南縣元至元二十四年并龍南入信豐至

大三年復置龍南明隆慶三年都御史張翀奏析信豐縣南地置定南縣

國朝因之編戶七里通志

廣輿記載南野城古蹟在今大庾縣漢桑欽水經曰潁水出豫章南野縣西北過潁縣東山海經曰潁水出聶都山聶都在今崇義縣文營鎮則南野治所不在今信豐也蓋漢之南野統今大庾南康上猶崇義信豐龍南六縣地晉時南康縣屬南康郡而南野縣為廬陵郡則南野治所不在縣境明矣縣志

信豐縣廣二百七十五里袤一百四十五里東界會昌縣

重石嶺一百二十五里南界龍南縣東坑一百里西界

大庾縣楊梅嶺一百五十里北界潁縣苦竹垵四十五

里東南界安遠縣平坑二百里東北界贛縣大湖墟五

十里西南界廣東保昌縣柯水垵六十里西北界南康

縣嶠嶺五十里自縣至府二百七十五里

興國縣

興國本贛縣地吳孫權嘉禾五年析置平陽縣晉太康元

年改曰平固皆隸南部都尉後改為南康郡縣隸如故

隋開皇九年改南康郡為虔州省平固入贛縣改贛縣

為南康縣大業三年仍改虔州為南康郡南康縣為贛

縣自隋開皇以後平固省入贛縣者凡三百九十二年

朱太平興國七年知虔州王協奏析贛縣湫江鎮之七

鄉即平固地益以廬陵泰和地置興國縣名勝志因年號為縣名

元明仍舊

國朝因之編戶五十三里志

國朝張尙瑗平固縣故址考一統志興國縣漢贛縣地三國吳分置平陽縣晉太

康元年改曰平固屬南康郡宋齊以後因之隋省宋太

平興國七年始置興國縣屬虔州平固故城在縣北一

百二十里至今湫澗合流名曰平固江贛縣有平固鎮

亦以故縣名也贛州府志興國距府東北一百八十里

即古平固縣地以宋太平興國七年所置得名而於贛

縣條下曰初割置平固縣後割置興國縣贛縣志亦曰

漢建安中孫權據吳析贛地置平陽縣晉太康初改平

固宋太平興國中又析湫江鎮之七鄉置興國縣興國

之自為平固典記相傳初無異議獨王象之輿地紀勝

駁之曰平固鎮即今贛縣長興鄉之平固市也興國東

北境乃割廬陵太和以益之者孫吳置縣惟析贛縣平

固故城安得在廬陵泰和界中耶予嘗往來邵城親履

尋縣長興鄉之域其土名曰田村曰白鷺曰石院皆在

興國西南五六十里之內贛縣東北百里之外象之

論謂孫吳置縣惟析贛地則平固故城必當如此乎求

之百里之內兩縣並立既恐其疆索太逼形勢非宜即

使縣治建立於此而謂從此而北必無平固之封豨則

今之所謂興國者緬溯六朝豈盡委之狐狸荆棘耶抑

廬陵泰和斥埃之所掌乃控制於三四百里間耶興國

有鍾氏族譜其說曰湫江鎮唐宋為贛縣之豐樂鄉設

有二均砦鍾紹京四世祖匡始遷虔州與三世祖威皆

葬於平固原沙陂在殷富對江夫志稱析贛縣七鄉置

興國今止六鄉豐樂者七鄉之一也土均者砦名也迴

龍衣錦皆砦也贛之長興鄉亦曰磨刀砦也殷富對江

為藍陂距城北四五十里則興國之北四五十里猶曰

平固其可證者一芸憲私志涓子入平固縣覆筍山覆

筍在興國崇賢鄉去城北百有餘里與廬陵接壤象之

謂平固故城不得在廬陵泰和界中而覆筍之壤正在

分割廬陵界中矣其可證者二又曰歐陽忞輿地廣記
平固鎮本平固縣廢此一條尤為明白夫忞之言正與
輿國古平固相發明今不能駁其說而辨衆譌徒欲廢
其說而伸獨見吾未之敢服也大約北宋置縣原未嘗
悉按孫吳之疆理且更指廬陵南岳之有餘補贛縣北
陲之不足平固市平固江者古平固之所有今輿國之
所無覆笥殷富土均豐樂今古同之則輿國之為古平
固無疑矣特其故城之在城北百二十里或即於崇賢
未可知要未敢臆度而強實之耳又黃塘巖屬萬安在
輿國東北二十里鄧德明南康記稱為贛山故知贛之
壤地方當踰輿國而包乎二百里之外不當感輿國而
限乎百里之內輿國一名平川時論以為水勢平行非
也吳會杭湖常潤之水皆平蘇州界乎其中平流尤甚
故宋時名為平江若激湍合流湍駛激勢擬建旣而
以平名之不亦虛乎然則平川也者直以平固之縣得
名云爾今一統志府志皆存平固古名而縣志獨闕遂
使舊跡名區淪於甌脫予非好事而為傳會之說也躬
履其域審乎地勢而得之者也

輿國縣廣二百三十里袤一百四十里東界寧都州黃陂

一百六十里西界萬安縣平西七十里南界贛縣楓嶺

西十里北界廬陵縣楓嶺一百里東南界雩都縣青塘

一百三十里東北界永豐縣赤坂洲七十里西北界泰

和縣浪川七十里又界泰和縣白羊坳六十里西南界

贛縣官柳五十里自縣至府一百八十里

會昌縣

會昌本雩都縣地宋太平興國七年析雩都六鄉於九州

鎮置有銀場旋立為縣各勝志云置縣未立名適鎮人
鑿井得甌甌十二上有會昌篆

文事聞因以名縣未紹定四年升會昌為軍咸淳五年復為縣

謝元至元二十四年省安遠入會昌至大三年復置安

遠大德元年升會昌爲州領瑞金一縣明太祖吳二年復爲會昌縣

國朝因之編戶五里

通志

吳湘臯曰升會昌爲軍宋史未載止見於元史而不載年號惟明謝桓憲郡志詳載升軍復縣年號縣秩官又載軍使一人趙汝回籍貫年任確鑿而謝志闕焉明林昂通志載趙汝回紹興間任會昌州據宋史沿革表會昌在宋未升爲州又按百官志止有軍事推官軍事判官軍巡判官無所謂軍使者此必縣志事訛爲使林志紹定訛爲紹興會昌軍訛爲會昌州耳然無從考其所據矣

會昌縣廣二百二十五里袤一百三十里東界福建武平縣大禾坳一百三十里南界長寧縣盤石隘一百二十里西界安遠縣長沙營一百里北界瑞金縣五里排五里東南界福建武平縣背寨一百四十里西南界安遠縣清溪山一百二十里東北界瑞金縣黃安隘大石門八十里西北界雩都縣長布峒七十里自縣至府三百里

安遠縣

安遠本漢雩都縣地

輿地廣記

梁大同十年析雩都南三鄉地

置安遠縣隋開皇時廢安遠仍入雩都其後雩都縣以地僻人稀每有徭役動逾星歲建中三年

唐書地理志作貞元四年

與此互異

刺史路應奏請析雩都三鄉并信豐一里再置安

遠縣

太平寰宇記

元至元二十四年併安遠入會昌至大三

年復置安遠縣隸寧都州元史地理志明吳二年改寧都爲

縣安遠仍隸贛州縣志

國朝因之編戶五里通志

何光著曰按府志載齊書州郡志有永明八年罷安遠縣是安遠已先見於南齊而舊府志及雩都安遠志皆稱梁武帝大同十年置安遠縣謝鳳渚疑齊書爲誤張損持又謂鳳渚不能辨析明確夫有罷必先有置永明以前未置安遠何入年而有罷也置既見書豈建置獨闕與始仍舊志以梁爲斷

安遠縣廣一百二十里袤二百三十五里東界長寧縣新

善路四十里南界定南廳大小石堡九十里西界信豐

縣石背六十里北界會昌縣亂石墟一百五十里東南

界廣東程鄉縣陳田二百一十里縣志東南界定南嶽背九十里東北

界會昌縣清溪一百八十里西南界廣東龍川縣鐵龍

三百三十里縣志西南界定南雙坑迤八十里西北界信豐縣平坑一

百一十里自縣至府三百里

龍南縣

龍南本漢南野縣地輿地廣記孫吳析南野置南安縣後漢書而

龍南地屬南安縣縣志晉太康元年改南安曰南康縣唐

永淳元年析南康縣東南地爲南安縣隸虔州時龍南

地屬南安縣縣志天寶元年改南安縣爲信豐析地置百

丈戊陞爲鎮尋又改稱虔南鎮梁貞明四年吳楊隆演

改虔南鎮爲虔南場南唐保太十一年以信豐虔南場

爲龍南縣縣名始此北有龍頭山縣治在其南故名舊縣

志或謂以縣在百丈龍潭之南也宋史地理志郡縣釋名並同宋大

觀元年升爲中縣宣和三年改名虔南縣紹興二十三

年復改龍南宋史志元至元二十四年并龍南入信豐縣

至大二年復置龍南與安遠俱隸寧都州元史明吳二年

寧都州仍爲縣改贛州路爲府領縣十龍南屬焉隆慶

二年都御史張翀疏請割龍南之高砂下懸橫江三堡

地并安遠之大石小石伯洪信豐之員魚逕腦潭慶建

定南縣

國朝因之編戶四里通志

龍南縣廣一百八十里袤一百三十五里東界關西程嶺

五十里距定南縣界縣志云舊府志東界定南關西程嶺五十里考程嶺雖與定南共之

關西則隸龍南之里仁堡定南志亦云程嶺在橫江堡廳之西北界外即龍南關西之地如府志則以關西屬定南疆

域淆矣南界廣東連平州白沙分水坳一百一十里西

界廣東始興縣峽頭嶺一百三十里北界信豐縣青龍

髻二十五里東北界信豐縣曹嶺三十里東南至上蒙

堡汶龍佛子坳六十里距定南廳界西南界廣東翁源

縣冬桃嶺一百五十里西北至洒源犁鼻山三十五里

距信豐縣界自縣至府三百二十里

縣志論曰建縣以後雖經併入信豐不久復置若割地以建他邑僅一見於隆慶初之置定南縣外此未

有聞也按正德十三年王文成請添設廣東和平縣治其時副使等集議謂與江西龍南縣鄰界亦析一里前來嗣以兩省地相隔寫遠未免影射差役兩無歸着勢不可行卒寢其議而徐上書平泖碑後乃謂割地以建和平誤矣至新舊府志更謂崇禎九年新建連平州又割龍南縣南境以益之幅員不復如故考龍邑之南舊與廣東河源縣分水咽接壤其割置連平州者乃河源地非龍南縣地既析之後分水咽始屬連平州因與連平州壤址相錯耳府志所云未可盡據

長寧縣

長寧本漢雩都地自析雩都置安遠縣始隸安遠明嘉靖四十年以安遠之雙橋南橋八付項山腰古五堡隸平

遠縣四十三年復還安遠萬曆四年都御史江一麟平

安遠黃鄉賊奏析黃鄉石谿等十五堡置長寧縣

取長久安寧之義也明年築城於馬跟岡屬贛州府如故

國朝因之編戶四里

通志

長寧縣廣一百六十里袤一百九十里東界福建武平縣

馬戰嶺八十里南界廣東平遠縣牛挨石七十里西界

廣東龍川縣吉祥八十里北界安遠縣太陽關七十里

又界會昌縣清溪八十里東南界廣東平遠縣歐番六

十里東北界會昌縣盤石隘七十里西南界廣東興寧

縣九十里西北界安遠縣符山堡打鼓嶺五十里自縣

至府四百二十里

定南廳

定南建白明隆慶三年都御史張翀築城於高砂之蓮塘

析龍南安遠信豐地置縣取平安之義也

郡縣釋名隸贛州

府

國朝因之編戶四里

通志

乾隆三十八年巡撫海成奏改縣

為廳即以贛州府同知移駐定南為贛州分防府定南

廳同知典史改為照磨餘官仍其舊

本仁案先是都御史吳百朋勦員魚逕腦下歷寇議於高砂蓮塘修築土垣移建巡司以鎮知府黃辰以廣東和平之岑岡上下陵等地及信豐之南方上里安遠之大石小石伯洪堡皆為賊窟議立縣治吳公是之檄下新縣當以龍南下歷高砂橫江三堡為主而安遠之大小石伯洪三堡信豐之員魚逕廣東和平之岑岡上下陵烏虎鎮龍川之鏡級寨皆在制中方成縣治併以屬之江西就迺制取於時岑岡民願

定南廳廣一百六十里袤一百二十里東界廣東龍川縣

小山一百三十里

廳志安遠縣湯邦山一百里

西界龍南縣佛子垌

三十里南界廣東和平縣隔河山頂一百里北界信豐

縣員魚逕腦一百二十里東南界廣東龍川縣及長寧

縣兩路一百二十里東北界信豐縣火草湖一百里西

南界廣東和平縣洲頭四十里西北界程嶺接龍南縣

關西四十里自廳至府四百六十里

沿革表

漢

高帝四年
戊戌

豫章郡

贛

雩都

南野

改九江郡為淮南國
置豫章郡屬之

三縣俱漢置屬豫
章郡

邑境有漢灌嬰舊
壘

今南安府地

十二年乙巳

吳國

封兄子濞為吳王
割豫章郡屬吳

景帝三年丁亥

豫章郡

復為郡領縣如舊

東漢

獻帝
元年甲戌

廬陵郡

贛

雩都

南野

孫策定豫章分置廬
陵郡雩都南野屬焉

三國吳

孫權嘉
禾五年
丙辰

廬陵南部都
尉

贛

雩都

南野

南安

陽都

平陽

復分廬陵置南部都
尉於雩都統縣六

析南野置南
安縣

析雩都置營
地置陽都及析
陽都陽都置
陽

晉

武帝太康
元年庚子

三年壬寅

南康郡

贛

雩都

南康

平固

揭陽

罷南部都尉置南康
郡統縣五

贛

雩都

南野

改南安為
南康

改陽都為
寧都

改平陽為
平固

晉書地理志有
揭陽無寧都

疆域

五年甲辰

惠帝元

江州南

康元年

康郡

辛亥
分荆揚地置江州都督
郡屬之領縣如舊

東晉

穆帝永和
始移郡城於章貢永

五年己酉
間即今郡治

安帝義熙
徙郡治於贛水東

三年丙午
南

前五代宋

武帝永

南康國

贛

雩都

南野

南康

平固

寧都

陂陽

初元年

庾申
改部為國城於雩都
領縣七仍隸江州

孝武大明
及初寧都置虔化縣凡
五年辛丑
八縣

贛

雩都

南野

南康

平固

寧都

陂陽
虔化

析寧都
化屯置

齊

武帝永明

南康郡

贛

雩都

南野

南康

平固

寧都

陂陽
虔化

元年癸亥
復為郡領縣如宋

八年庚午

罷安縣
并虔化

梁

武帝

南康郡

贛

雩都

南野

南康

平固

寧都

陂陽
虔化

領縣如齊

大同十
年甲子

析雩都東南
鄉置安遠
縣尋廢

元帝永樂 復徙郡治於章水
年壬申 間

陳

武帝

南康郡

領縣如梁

贛

雩都

南野

南康

平固

寧都

陂陽

虔化

隋

文帝開 洪州總管

皇九年 虔州

己酉 改南康郡為虔

州隸洪州總管

府領縣四餘皆

省入四縣中

贛

平固省入

雩都

南康

南野省入

虔化

寧都陂陽省入

楊帝大 業元年

南康郡

乙丑

改虔州復為南
康郡領縣如舊

唐

高祖武 洪州總管

德奉 府虔州

壬午

復改南康郡
為虔州領縣

如隋

贛

雩都

南康

虔化

七年甲 南康州大

都督府

置大都督府

統領外十一

九年丙 罷南康州都

戌 督府

太宗貞 虔州

觀元年 分天下為十

丁亥 道虔州隸江

南道

贛州府志

卷之三

疆域

三

元宗開江南西
元二十年道虔州
一年癸分江南為東
西道虔州屬
西道

天寶元年壬午

南康郡

復為郡仍隸
江南西道

肅宗乾元
元年戊戌
都防禦團練觀
察處置使姜州
後為州隸觀
察處置使

代宗廣江南西
德二年道虔州

甲辰
更號江南西
道仍隸如故

德宗貞
元四年
割零都舊安
遠地為安遠
縣領縣七

和六年等虔為上州

辛卯

憲宗咸
通六年
置贛南軍虔
州屬焉

符元
年
廢鎮南軍

昭宗龍
紀元年
復鎮南軍

己酉
天祐元
年甲子

五代梁

朱溫開
平四年
庚午
百勝軍

上縣 上縣 上縣 中縣 上縣 中縣

贛 零都 信豐 南康 大庾 虔化 安遠

改南安為信
豐縣
析南安百丈地置
大鎮尋改虔南鎮

折零都象
湖鎮置瑞
金監

贛 零都 信豐 南康 大庾 虔化 安遠

以虔南鎮
為虔南場

唐楊吳 實梁貞明四年楊吳不奉
末 梁正朔仍稱唐天佑年號
楊隆泰希 克虔州仍稱百
十五年 實 勝軍

楊溥順義
四年甲申
前梁隱德
四年

折南康
地置上
猶場

五代南唐

昇元元	昭信軍	贛	雲都	信豐	南康	大庾	虔化	安遠
年丁酉								
當晉高	昭信軍治虔							
神天福								
二年								
保大十	以上猶場為上	贛	雲都	信豐	南康	大庾	虔化	瑞金
一年	為縣瑞金監為							
丑當周	瑞金監虔南場							
太祖廣	為龍南縣虔化							
順三年	石城場為石城							
	縣領縣十一							

宋

太祖開寶改昭信軍為軍
八年乙亥州領縣如故

太宗太江南西
平興國路虔州

元年丙 分江南為東西路
虔州隸西路析贛

縣激江鎮即前平
國地置興國縣析
雲都九州鎮置會
昌縣領縣十三

淳化元 割南康大庾上猶
年庚寅 三縣別置南安軍

徽宗大 陞虔州為望
觀二年 州

戊子

南宋

贛	雲都	信豐	南康	大庾	虔化	瑞金	龍南	安遠	石城
贛	雲都	信豐	興國	虔	會昌	瑞金	龍南	安遠	石城
望縣	望縣	望縣	望縣	望縣	望縣	望縣	望縣	中縣	上縣
望縣	望縣	望縣	望縣	望縣	望縣	望縣	望縣	望縣	望縣

高宗建鄂州路
 慶四年 慶州
 庚戌 併東西路置三帥
 帥慶改隸鄂州
 紹興元 復隸江南西路
 年辛亥 路
 二十三年 贛州
 改虔州為贛州
 虔化縣仍曰寧都

贛 雲都 信豐 興國 虔化 會昌 瑞金 龍南 安遠 石城

寧都

元 理宗紹定 四年辛卯 虔宗咸淳 五年己巳

升會昌 縣為軍 復為 縣

世祖至 元十三 年丙子 江西行 省贛州

贛 雲都 信豐 興國 寧都 會昌 瑞金 龍南 安遠 石城

十四年 升贛州路總 管府

十五年 遷行省中書於 贛州福建江西

十六年 移贛州行省 已卯 遷隆興

十七年 併入福建行省 庚辰 立宣慰司

十九年 復立 壬午

二十四 併龍南入信豐 年丁亥 併安遠入會昌 贛州統縣入

二十八 徙江西行省樞 年辛卯 密院於贛州

成宗元 贛州路 貞二年 贛 雲都 信豐 興國 寧都 會昌 瑞金 石城

贛州府志 卷之二 疆域

丙申

改贛州為路統

五縣以寧都會

昌別為州瑞金

隸會昌州

武宗至天復置龍南安
三年庚戌遠益寧都州

明

太祖吳江西贛

二年甲州府

辰當元改贛州路為府

順帝至寧都會昌仍為

立二十縣領縣十隸江

四年西承宣布政司

宣宗成設分巡嶺北

化十三道治贛州

年丁酉

老不密設南贛巡撫

治七年治贛州尋罷

甲寅

贛
雲都信豐興國寧都會昌瑞金龍南安遠石城

德四年 贛州

己巳

世宗嘉 增設分巡嶺北嶺

站三十 東嶺南漳南四道

六年丁 統於虔院贛州隸

巳 嶺北巡守兩道

四十年 析湖州程地益

辛酉 以武平安遠興寧

上杭諸地置平遠

縣隸贛州

四十二 還武平安遠上

年癸亥 杭三縣地改平

遠縣隸湖州

穆宗隆 析安遠信豐地

慶元年 置定南縣領縣

丁卯 十一

神宗萬 析安遠雙橋石

歷四年 溪等堡置長寧

丙子 縣領縣十二

贛
雲都信豐興國寧都會昌瑞金龍南安遠石城定南

贛
雲都信豐興國寧都會昌瑞金龍南安遠石城長寧

贛州府志

卷之二

疆域

西

國朝

順治三年丙戌

贛州府

十月克贛州
領縣仍十二

十年癸巳
罷分巡嶺北道

康熙四年乙巳
罷南贛守撫

八年己酉
罷分守嶺北道

十年辛亥
復設分巡南道

雍正九年
改贛南為吉南道

乾隆十年甲戌
移都為州於金石

九年甲戌
移都為州於金石

廢改分巡吉南道
為吉南贛南兵備道

贛
雲都
信豐
興國
寧都
會昌
龍南
安遠
定南
長寧

贛
寧都
信豐
興國
會昌
龍南
安遠
定南
長寧

三十八年癸巳
改定南縣為廳
移贛州同知
駐劄領廳事

贛
雲都
信豐
興國
會昌
安遠
龍南
長寧
定南

三十八
平溪山
野好麻
同

輝
香
清
山
野
好
麻
同

